

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ

«-----» հուլիսի 2011թ.

N----- -Ա

ՈՐՈՇՈՒՄ

ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2009 թվականի դեկտեմբերի 23-ի հ.55-Ն որոշմամբ հաստատված ծրագրի 3-րդ կետով և 2010 թվականի նոյեմբերի 26-ի հ.162-Ն որոշման 3-րդ կետով՝

Երևան քաղաքի ավագանին *որոշում է.*

1. Դավթաշենի 4-րդ թաղամասի հ.53 շենքի 12-րդ հարկի հ.60՝ մեկ սենյականոց բնակարանը (անշարժ գույքի սեփականության (օգտագործման) իրավունքի գրանցման 10.12.2007թ. հ.2539023 վկայական) սեփականության իրավունքով անհատույց օտարել (նվիրել) Սուրեն Ղազարյանին և Արման Ղազարյանին:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

ՀՀ կառավարության 2000 թվականի հոկտեմբերի 25-ի <<Հայաստանի Հանրապետության տարածքում /բացառությամբ աղետի գոտու վերականգնման առաջնահերթ ծրագրում ընդգրկված բնակավայրերի/ քանդման ենթակա վթարային բնակելի տների բնակիչների բնակարանային խնդիրները լուծելու մասին>> հ.682 որոշմամբ հաստատված ծրագրի համաձայն՝ Հայաստանի Հանրապետության 2000 թվականի պետական բյուջեով նախատեսված միջոցների հաշվին ՀՀ կառավարության 2000 թվականի նոյեմբերի 6-ի <<Հայաստանի Հանրապետության կառավարության 2000 թվականի հոկտեմբերի 25-ի հ.682 որոշման մեջ փոփոխություն և լրացումներ կատարելու մասին>> հ.1070 որոշմամբ նախատեսվում էր Երևան քաղաքում 2001 թվականին քանդել 4-րդ կարգի վթարային չորս շենք՝ Շինարարների փող.հ.6 շենքի 4-6-րդ մուտքերը, ֆուչիկի փող. հ.հ. 19,10 և Սիսակյան փող.հ.16 շենքերը, իսկ այդ շենքերում բնակվող սեփականատերերի, վարձակալների և փախստականների ընտանիքներին զբաղեցրած բնակարանների համար տրամադրել դրամական փոխհատուցում՝ /գումարը հաշվարկված էր ՀՀ կառավարությանն առնթրեք անշարժ գույքի կադաստրի պետական կոմիտեի կողմից հրապարակված 2001թ. առաջին եռամսյակի տվյալներով՝ հաշվի առնելով 2001թ. ընթացքում շուկայի հնարավոր արժեքային տատանումները /բացառելով 1-ին գոտու ձևավորված արժեքը/. 1 սենյականոց բնակարանը՝ 1795 հազ. դրամ, 2 սենյականոցը՝ 2750 հազ. դրամ, 3 սենյականոցը՝ 3550 հազ. դրամ:

Երևանի քաղաքապետարանի կողմից 2001-2003թթ. ընթացքում դրամական փոխհատուցման գումար է հատկացվել 98 ընտանիքի: Վերը նշված շենքերում բնակվող վարձակալների 10 ընտանիք, որոնց թվում է նաև Սուրեն Ղազարյանի ընտանիքը, հրաժարվել են ստանալ իրենց հասանելիք դրամական փոխհատուցման գումարները՝ հայտնելով, որ բնակարանների շուկայական արժեքը բարձրացել է և հնարավոր չէ առաջարկվող գումարով բնակարաններ ձեռք բերել:

Սիսակյան փող. 4-րդ կարգի վթարային հ.16 շենքի հ.34 երկու սենյականոց բնակարանում բնակվել են վարձակալ Սուրեն Ղազարյանի ընտանիքը 5 անձով/ ինքը, կինը՝ Նատալյա Հակոբյանը և երեք տղաները/: Ս. Ղազարյանը և Նատալյա Հակոբյանը ամուսնալուծված են: Ս. Ղազարյանի ընտանիքին, որպես վարձակալի ընտանիք, հատկացվելու էր երկու սենյականոց բնակարանին համարժեք դրամական փոխհատուցման գումար, որը կազմում էր՝ 2750 հազ. դրամ:

Աջափնյակ թաղային համայնքի ավագանին, հաշվի առնելով քանդման ենթակա շենքերում բնակվող 10 ընտանիքների դիմումները բնակարանային պայմանների բարելավման վերաբերյալ, 2002 թվականի հուլիսի 18-ի հ. 20 նիստով հաստատել է չորս վթարային շենքերում բնակվող և բնակարանային պայմանների բարելավման կարիք ունեցող ընտանիքներին հատկացվող բնակարանների կառուցվածքը և համապատասխան առաջարկություն է ներկայացրել ՀՀ կառավարություն:

ՀՀ կառավարության 2003 թվականի հունվարի 16-ի «Հայաստանի Հանրապետության կառավարության 2000թ. հոկտեմբերի 25-ի հ.682 որոշման կատարման միջոցառումների մասին» հ.24-Ն որոշմամբ վերը նշված 10 ընտանիքների բնակարանային խնդիրները լուծելու նպատակով լրացուցիչ գումար է հատկացվել Երևանի Աջափնյակ թաղային համայնքի կողմից հաստատված ծրագրով, որի համաձայն՝ Նատալյա Հակոբյանի ընտանիքին հատկացվելու էր 3 հատ երկու սենյականոց բնակարան:

Ս. Ղազարյանի ընտանիքի կազմում 2001-2006թթ. ընթացքում տեղի է ունեցել փոփոխություն և հինգ անձից դարձել են ութ անձ /հարսը և երկու թոռները/: Գումարը ժամանակին չհատկացնելու և բնակարանների շուկայական արժեքի բարձրացման պատճառով քաղաքացին հրաժարվել է գումարն ստանալուց՝ պահանջելով գումարի ինդեքսավորում, և Ս. Ղազարյանը նորից դիմել է թաղապետարան՝ խնդրելով լրացուցիչ բնակարան կամ դրամական փոխհատուցում հատկացնել իր ընտանիքին:

Աջափնյակ թաղային համայնքի ղեկավարը Սուրեն Ղազարյանի ընտանիքի անդամների հետ 2006թ. 1-ին եռամսյակում կնքել է դրամական փոխհատուցում հատկացնելու համար պայմանագիր՝ բազմաբնակարան բնակելի շենքերի բնակարանների 2006թ. 1-ին եռամսյակի բնակարանների շուկայական միջին արժեքով հաշվարկված, առանց Կենտրոն համայնքի, որը կազմել է 35,838 մլն դրամ: Նշված գումարից նույնպես Ն. Հակոբյանի ընտանիքը հրաժարվել է:

Աջափնյակ թաղային համայնքի ավագանին իր 2006 թվականի մայիսի 24-ի հ.126 նիստով հաստատել է Ս. Ղազարյանի ընտանիքին հատկացվելիք բնակարանների նոր կառուցվածք՝ մեկ հատ երեք և երեք հատ մեկ սենյականոց բնակարաններ, կամ դրամական փոխհատուցում 40,0 մլն դրամի չափով, որից 35.838 մլն դրամը նրանց ընտանիքին հասանելիք գումարն է, իսկ 4.162 մլն դրամը՝ որպես լրացուցիչ ֆինանսական աջակցություն:

Աջափնյակի թաղապետարանից Ն. Հակոբյանի ընտանիքը ստացել է 34,703 մլն դրամ, իսկ 5,297 մլն դրամ գումար չի տրամադրվել՝ գումար չլինելու պատճառով, ինչը սոցիալական ծանր վիճակ է ստեղծել ընտանիքում:

Ելնելով վերոգրյալից՝ «Երևան համայնքի սեփականություն համարվող բնակարանն անհատույց օտարելու մասին» Երևան քաղաքի ավագանու որոշման ընդունումը պայմանավորված է հարցի կարգավորման անհրաժեշտությամբ:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

Տ Ե Ղ Ե Կ Ա Ն Ք

ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Երևան քաղաքի ավագանու «Երևան համայնքի սեփականություն համարվող բնակարան անհատույց օտարելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ

Տ Ե Ղ Ե Կ Ա Ն Ք

ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Երևան քաղաքի ավագանու «Երևան համայնքի սեփականություն համարվող բնակարան անհատույց օտարելու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Կ. ԿԱՐԱՊԵՏՅԱՆ